

Broj: 302-11/19

Datum: 28.01.2019. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 302-9/19 od 25.01.2019. godine, u postupku javne nabavke **radova: Totalna rekonstrukcija 5 (pet) kupatila na Porodajnom odjelu**, direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** **o izboru najpovoljnijeg ponuđača**

#### **Član 1.**

**Prihvata se Preporuka Komisije za nabavku**, broj: 302-9/19 od 25.01.2019. godine i Ugovor za javnu nabavku **radova: Totalna rekonstrukcija 5 (pet) kupatila na Porodajnom odjelu** dodjeljuje se ponuđaču **KOLINVEST d.o.o. Sarajevo**, ponuda broj **05/19**, dostavljena **dana 21.01.2019. godine sa ukupnom cijenom ponude u iznosu od 13.910,00 KM** bez PDV-a, **kao najpovoljnijem ponuđaču.**

#### **Član 2.**

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u tenderskoj dokumentaciji predvidio provođenje E-aukcije.

#### **Član 3.**

U postupku nabavke iz člana 1. ove Odluke zaprimljena je ukupno 1 (jedna) kvalifikovana ponuda i to: „KOLINVEST“ d.o.o. Sarajevo.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14).

U postupku nabavke iz člana 1. ove Odluke zaprimljene su dvije nekvalifikovane ponude i to: „FLEX INVEST“ d.o.o. Sarajevo i „ALPROM“ d.o.o. Sarajevo.

#### Član 4.

Ponuđač se obavezuje dostaviti originalne ili ovjerene kopije dokumentacije iz člana 45. Zakona o javnim nabavkama u roku od 2 (dva) dana nakon prijema Odluke o izboru najpovoljnijeg ponuđača na Protokol ugovornog organa.

#### Član 5.

Prijedlog Ugovora o nabavci dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

#### Član 6.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### Član 7.

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: **11150-2/18 od 12.12.2018. godine.**

Javna nabavka je sprovedena **putem konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **do 20.000,00 KM.**

Obavještenje o nabavci broj: 1125-7-3-7-3-1/19, poslato je na objavljivanje dana **10.01.2019. godine**, a objavljeno je na Portalu javnih nabavki dana **10.01.2019. godine**, sažetak obavještenja o nabavci objavljen je u Sl. Glasniku BiH broj: **1/19 od 11.01.2019. godine.**

Komisija za nabavku, imenovana je Rješenjem broj: **11150-3/18 od 12.12.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **302-8/19 od 25.01.2019. godine**, Preporuku o izboru najpovoljnijeg ponuđača broj: **302-9/19 od 25.01.2019. godine** i Izvještaj o radu broj: **302-10/19 od 28.01.2019. godine**, u postupku javne nabavke radova: **Totalna rekonstrukcija 5 (pet) kupatila na Porodajnom odjelu.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda,

- da je ponuda ponuđača „**KOLINVEST**“ d.o.o. Sarajevo kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,
- da ponude ponuđača „**FLEX INVEST**“ d.o.o. Sarajevo i „**ALPROM**“ d.o.o. Sarajevo nisu kvalifikovane niti prihvatljive iz sljedećih razloga:

1. Ponuđač FLEX INVEST d.o.o. Sarajevo

- na strani 22. svoje ponude dostavio je Izjavu o prihvatanju roka odziva na intervenciju, ali u istoj nije naveo broj telefona kontakt osobe za popravak i hitne intervencije kako je traženo u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona pod a) na strani 10. tenderske dokumentacije.
- Navedeni ponuđač je na strani 24. svoje ponude za predmetnu nabavku dostavio Izjavu o angažiranom tehničkom osoblju u kojoj je naveo da će angažirati raspoloživo i kvalifikovano osoblje u svrhu rješavanja problema koji su predmet nabavke, ali u istoj nije naveo tražene podatke za navedena lica (ime i prezime i kvalifikacija) kako je traženo u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona pod c) na strani 10. tenderske dokumentacije.
- Također, navedeni ponuđač nije dostavio Izjavu ponuđača o prosječnom broju zaposlenih i broju rukovodećeg osoblja je, ali je na strani 25. svoje ponude dostavio Izjavu ponuđača o prosječnom broju zaposlenih i broju rukovodećeg osoblja u kojoj je naveo da će angažovati potrebno osoblje u svrhu izvođenja radova. Navedena Izjava nije u skladu sa traženim u odjeljku d) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona pod c) na strani 10. tenderske dokumentacije,

Na osnovu prethodno navedenog, odbacuje se ponuda ponuđača FLEX INVEST d.o.o. Sarajevo u skladu sa članom 68. stav (4) tačka i) Zakona.

2. Ponuđač ALPROM d.o.o. Sarajevo

- u svojoj ponudi za predmetnu nabavku nije dostavio Izjavu o prihvatanju roka, načina i uslova plaćanja (30 dana po izvedenim radovima i ispostavljanju fakture) koja je tražena u odjeljku 7. OSTALI PODACI u tački 7) Rok, način i uslovi plaćanja izabranom ponuđaču na strani 22. tenderske dokumentacije. Navedeni ponuđač popunio je član 4. Nacrta ugovora na strani 59. svoje i naveo da prihvata rok plaćanja od 10 (deset) dana koji nije u skladu sa traženim u odjeljku 7. OSTALI PODACI u tački 7) Rok, način i uslovi plaćanja izabranom ponuđaču na strani 22. tenderske dokumentacije.

Na osnovu prethodno navedenog odbacuje se ponuda ponuđača ALPROM d.o.o. Sarajevo u skladu sa članom 68. stav (4) tačka i) Zakona.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima

i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

### Najniže cijene

- **Naziv ponuđača čija je ponuda ocijenjena kao najpovoljnija:**

1.	<b>Naziv ponuđača</b>	<b>Ponuđač „KOLINVEST“ d.o.o. Sarajevo</b>
2.	Sjedište i adresa	<b>Ul. Hamdije Čemerlića broj 37, 71000 Sarajevo</b>
3.	Ukupna cijena ponude bez PDV-a	<b>13.910,00 KM</b>
4.	Rok izvođenja radova	<b>60 dana od dana uvođenja u posao</b>
5.	Uslovi plaćanja	<b>30 dana po izvedenim radovima i ispostavljanju fakture</b>
6.	Garantni rok na izvedene radove	<b>24 mjeseca</b>
7.	Podaci o dijelu ugovora koji se daje u podugovor i podaci o podizvođaču, ako je primjenjivo	<b>Ponuđač ne namjerava sklapati podugovor sa trećom stranom</b>

Izabrani ponuđač je izabran primjenjujući kriterij „ekonomski najpovoljnija ponuda“.

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.



**DIREKTOR**

**Prim. dr. Zlatko Kravić**

**Dostaviti:**

- Ponuđaču: „KOLINVEST“ d.o.o. Sarajevo
- Ponuđaču: „FLEX INVEST“ d.o.o. Sarajevo
- Ponuđaču: „ALPROM“ d.o.o. Sarajevo
- Odjeljenje za ekonomsko-finansijske poslove
- Odsjek za javne nabavke
- Komisiji za javne nabavke
- a/a.